

卷之四

𠂔

視

𠂔

𠂔

𠂔

一

十

𠂔

𠂔

𠂔

𠂔

𠂔

序

余年二十一時山陰孫古徐好聚書一夕得王氏佐
北征日記張氏岱石匱文編狂喜告余余語古徐盍
取諸家藏本世希有者成巨帙刻叢書古徐曰諾是
歲道光己酉吾鄉沈氏鳴野山房藏書初散精本半
歸楊器之猶可假錄求戚友家先世遺箸亦多完具
凡蒐訪編校者五年已得百三十餘種付與鈔胥而
古徐病作尋卒事不克成余家世業賈余始爲儒舊
有薄田供饘粥自余生十五年兄爲仇誣以訟破家

至是竟不能得購書資闕市借人妄謂彊識咸豐癸丑遭先贈公喪鮮民之生日益危苦終歲奔走賣衣續食而已辛酉客溫州值故鄉淪陷再毀於賊敝篋破書未以自隨弱小死亡簡編同殉曩從借讀之家亦半爲焦土俯仰身世十數年中悲憫窮愁噩夢忽覺同治初元航海入京師屢試皆黜棲遲逆旅煮字爲糧幸積數金復稍稍置書鑽以故紙雖昔之所見不能重遇而零牋斷楮轉多新得歲在辛未溧陽王瓚公已補官上虞寄書申約乞歲損百金爲刻書

費瓚公許我明年壬申得見新化鄒氏讀書偶識欲
持屬瓚公書未發瓚公又緣事解職時余亦以縣令
試仕江西始遇攸龍皞臣爲刻鄒氏書洎光緒戊寅
權令鄱陽將行亟引在官寫書之戒與吾友期曰歸
時儻得俸錢當爲前人刻數十卷書不能望諸人今
反而求己甫抵官旬有九日大水壞民田巨浸稽天
厯四閱月災潦之區催科彌拙爨薪鮭菜閒致稱貸
以畢朝昏嘗默誦抱朴子百里一篇信乎煩劇所鍾
誅求叢赴有難堪也已卯大有年余乃受代去友靳

余曰求己今何如君固不求求亦不得而望人乎余曰彼逸任人吾勞任己余之來此勞心勞力亦五六年鬚髮白者且過半矣前未有也敢言無得友正色曰烏白頭不及馬生角也庚辰春余猝病咳自二月至四月不瘳藥之彌甚終夜危坐忽夢出門行大道邊遠望江湖浩淼無極遇邨民間塗言自此前進爲鶴山仙人之所都也上行則山內下行則山外大道迂遠有捷徑可導以行至其處昏黑若瞽井余謝不能願迂道久之不見人得一人問鶴山不畚畫掌示

以字搖首去後者至改騫字問之其人視余良久爲
指一隅依以行突見石壁百仞上鑿二大字曰獵山
始悟前失然不知其義又捫壁行里許有老者合眼
坐茅舍中二豎侍側余詢山內外何地仙人何狀一
豎曰君非此類也山外地近明當引君游可宿檐下
次日辨色豎來掖余走過一山前有大溪清光澈上
下余欲緣溪行豎不可趨山躡立磐石上但聞空中
大聲獵獵如烈風仰視則羣鶴翔舞而出羽翼蔽天
日因問鶴數豎言山外鶴不知其萬億兆也此皆膺

錄者近已一千七百二十有九矣已而清咲閒發變
異殊甚齊飛過前溪偶俯瞰則水中影鸛鵝雞鳬皆
有之且雜蠟螳蚰蛸蚺蟬螭之屬其爲鶴者百不
一焉余指問豎豎曰毋多言此爲地鏡不與君緣溪
行以是也余強豎往視自視人也視豎渺小成一環
因拍其肩曰脈望脈望豎曰知我視君又作何狀彼
自視亦皆鶴也察見淵魚不祥不如忘之余欲歸遂
循塗返老者拱手埃因謁而求術焉告余曰不鄙非
仁無仁斯辱不媚非智無智斯卑余仍不知解也周

視舍側有書亂疊疑可得祕文發之不可開開之無
字疑愈甚老者言三十年舊約忘之耶天下事待君
者僅有此耳君家元叔有言且各守爾分力所窮時
巨將不勝輕則易舉余曰然奈余病老者言東壁下
有丹篆二十四記之當瘳人誦一過能洞見鬼物其
文曰奇已鵠大復豕翳纖兒作是子鳥所擲弓則弛
伎止斯吾憐爾讀甫竟聞大呼知否遂驚寤剔鐙濡
筆爲之記四月二十四日也爰發憤陳篋取舊時所
得卷帙至簡者編爲叢書閒埒鄙箸冀匿瑕穢寫副

墨板決自今始寬之時日依次付栞當歲有成書贏
縮作輟準資有無畢願何期與年俱盡既成第一集
署卷帙曰仰視千七百二十九鶴齋叢書而序其緣
起如右猶說夢也錢塘陳曼生家曾有夢餉千八百
鶴齋曼生故寓言非夢也以爲夢余夢也又以爲真
則真夢也徐堅初學記十九引夢書曰舉事中止後
無名百姓所矣人所輕斷章取之其言可法西極之
南古莽之國今尙有人乎持此相質庶幾心知其意
者矣會稽趙之謙撫叔甫力疾書

武進臧君輯韓詩遺說二卷復攷正東萊浚儀兩家
所述別爲訂譌一卷顧千里氏嘗言輯韓詩者此爲
最精阮文達撰臧君傳亦記斯語嘉慶初承德孫氏
刻問經堂叢書於臧君輯本馬王易義毛詩馬王微
儀禮喪服馬王注爾雅漢注外有韓詩遺說列目未
彙臧君久客浙中歿後其子相亦病卒京師手彙不
知屬誰氏今惟浙中傳鈔本存耳余所藏得自錢塘
何氏夢華館辛酉亂後失去乙丑冬復獲之坊肆已
闕三葉仁和譚仲儀有汪氏振綺堂寫本遂段歸補

錄復爲完書近儒所輯韓詩本餘姚邵氏高郵宋氏
皆述內傳金谿王氏經翼鈔漏略殊甚歷城馬氏王
函山房輯佚書分韓詩故韓詩內傳韓詩說薛君章
句侯氏翼要爲最繇富然采擇精審亦不及也此本
經鈔胥婁寫聞有誤字今悉校改中如橫由其畝一
條旣引釋文連記一切經音義三又六又廿四於下
則臧君未加辨正元應一切經音義三又六引韓詩
南北曰從東西曰衡廿四引作南
北曰從東西曰廣皆與釋文異又周道威夷條引文
選注不及十一卷孫綽天台賦其作倭遲者不及
廿七卷顏延年北使洛所偶遺者僅有蕭吉五行大
詩馬氏本則詳著之

義三引韓詩溱洧有二水三月上巳鄭國嘗於此水

上招魂續魄瞿曇悉達開元占經九十八引韓詩蝥

蝥刺奔女蝥蝥在東莫之敢指蝥蝥東方名也又引

詩序蝥蝥在東者邦邑

案邦邑乃邪色字誤

乘陽人君淫佚之

徵臣爲君父隱諱故言莫之敢指朝非奔女私奔淫

佚決成家室之背指汝也

案此文疑有脫誤

二條與後漢書

注互有詳略

以上二條馬本亦無之

又據慧苑華嚴經音義引

孟康注韓詩乃沿南藏本之誤孟康說名吏休假曰

告見漢書高帝紀注北藏正作漢書惟吏字誤利二

本若一

按泰興陳東之校
徐刻音義已言之

蓋臧君未見北藏寫者且

誤利爲私

臧君輯刻
音義作私

輾轉疑似遂成千慮之失然其

鉤擿幽隱別擇甄錄致功良深余綜校諸家蔑以加

於此矣末綴宋氏內傳徵引對彼雲漢條則文選注

無之近聞陳氏喬樞述家學撰韓詩遺說攷云出鈔

本北堂書鈔天部二是也遺說攷敘韓說次第皆同

此本損益甚微亦以見臧君所攷定爲不易也同治

九年七月會稽趙之謙

仰視千七百二十九鶴齋叢書

第一集 目錄

韓詩遺說二卷訂譌一卷

九經學三卷

未廬札記一卷

从古堂款識學一卷

汰存錄一卷

偃陽雜錄一卷

英吉利廣東入城始末一卷

東籬耦談四卷

阮亭詩餘一卷

書巖牘橐一卷

二十一都懷古詩一卷

勇盧閒詔一卷